

سنه لکی در سعادت ایچون مجیده
بکرمی غروش حسابله التمش
غروشدر

طفره ایچون بوسته اجرتی اوله رق
اون بش غروش ضم اولنور

نسخه سی ۴۰ پاره در

تذکره محاکمه سی

آبونه اولق ایستینلر دائره عدلیه ده
اداره مخصوصه سنه مراجعت
ایتملدر

اعلاناک بهرندن بر مجیده اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

تجربیات

آنقره ولایتی مرکز بدایت محکمه سی حقوق
دائره سی ریاستی ادرنه ولایتی مرکز بدایت
محکمه سی حقوق دائره سی رئیس فیضیللو مصطفی
نسیب افندی به

ادرنه ولایتی مرکز بدایت محکمه سی حقوق
دائره سی ریاستی آیدین ولایتی مرکز بدایت
محکمه سی حقوق دائره سی رئیس فیضیللو حسن فهمی
افندی به

آیدین ولایتی مرکز بدایت محکمه سی حقوق
دائره سی ریاستی قسطنمونی ولایتی مرکز بدایت
محکمه سی جزا دائره سی رئیس فتوتلو مصطفی شریف
افندی به

قسطنمونی ولایتی مرکز بدایت محکمه سی جزا
دائره سی ریاستی جزایر بحر سفید ولایتی مرکز
بدایت محکمه سی مدعی عمومی معاونی فتوتلو حسین
افندی به

جزایر بحر سفید ولایتی مرکز بدایت محکمه سی
مدعی عمومی معاونلکی آنقره ولایتی مرکز بدایت
محکمه سی مدعی عمومی معاون سابق فتوتلو توفیق
افندی به

ارطغرل سنجانی بدایت محکمه سی جزا دائره سی
ریاستی اسپارته سنجانی بدایت محکمه سی مدعی
عمومی معاونی فتوتلو احمد رفیق افندی به

اسپارته سنجانی بدایت محکمه سی مدعی عمومی
معاونلکی مغنیا سنجانی بدایت محکمه سی مدعی
عمومی معاون سابق فتوتلو حسین فواد بکه

ارغنی سنجانی بدایت محکمه سی جزا دائره سی
ریاستی کنگری سنجانی بدایت محکمه سی جزا
دائره سی رئیس فتوتلو حسین حسنی افندی به

کنگری سنجانی بدایت محکمه سی جزا دائره سی
ریاستی قره حصار صاحب سنجانی بدایت محکمه سی
مدعی عمومی معاونی فتوتلو علی فهمی افندی به
قره حصار صاحب سنجانی بدایت محکمه سی

تبلغات

زراعت بانکه سندن آچه استقراض ایدن زراع
نامنه تنظیم اولنوب لاجل التبلیغ قرای متجاوره به
ارسال قلنان اخبارنامه لردن طولانی برقریه دن دیکرینه
عزیمت ایده جک اولان مباشره شو ایکی وبلکه
اوجنچی ودردنچی قریه لر آره سندن قطع ایده جکی
مسافه ایچون اعطاسی لازم کلان اجرتک تعیین
مقدارنده تردد حاصل اولدیغندن بحثله تعیین معامله به
دائر در سعادت و ملحقاتی عدلیه مفتشکلکندن تنظیم
اولنان مذکره ایله ملفوفاتی اوزرینه کیفیت انجمن
عدلیه جه لدی التذکر بومسئله حقه انجمن مذکور
قراریله عدلیه نظارت جلیله سندن تسطیر بیوریلان
۲ مارت سنه ۳۰۹ تاریخی تحریرات عمومیه نك
برقریه سندن قرای متجاوره نك هر بری ایچون مرکز
قضادن اعتباراً بشقه بشقه اجرت مباشریه استیفاسی
اقتضا ایده جکی کوسترلش اولوب انحق اشبو
اجرتدن طولانی زراعت بانکه سنك اخیراً مدیونلره
مراجعتی طبعی و بوده فقرای زراعتک اضارینی
موجب اوله جینی بدیهی اولمسئله بونلرک غدردن
وقایه سی مقصدیه برقریه ده ساکن بولنان متعدد
کسانه تبلیغ اولنه جق اخبارنامه لردن بر اجرت
مباشریه آلمسی حقه ده کی اصوله قیاساً و مقصد
مذکوری شو خصوصه دخی محافظه هر قریه نك
مرکز اولان بعد مسافه سی نسبتده آبرو آبرو
اجرت مباشریه اخذیه زراعه فضله مصرف تحمیل
اولنوب تجارت و نافع نظارت جلیله سندن بانق
مأمورلرینه اجرا قلنان و صایا وجهله وظائف تبلیغیه بی
ایفا ضمننده قرای متجاوره به کیده جک اولان
مباشره مرکز ال یقین بولنان قریه ایچون تعلیمات
مخصوصه سنه توفیقاً ایلك ساعتی بش و دیکرلری بر
غروش اعتباریه اجرت تقدیر اولنق و اورادن سائر
قریه لره عزیمتی ایچون ده یالکز بونلرک آره لرنده کی
مسافه نك بر موجب تعلیمات تابع اولدیغی اجرت
استیفا و صوک قریه دن مرکز عودتندن طولانی ده

مدعی عمومی معاونلکی اخچیلی قضاسی بدایت
محکمه سی جزا دائره سی رئیس محمد الماس افندی به
قلعه سلطانیه سنجانی بدایت محکمه سی جزا
دائره سی ریاستی سینوب سنجانی بدایت محکمه سی
مدعی عمومی معاونی فتوتلو حسیب افندی به
سینوب سنجانی بدایت محکمه سی مدعی عمومی
معاونلکی دیوانیه سنجانی بدایت محکمه سی مدعی
عمومی معاون سابق مصطفی فوزی افندی به
قلعه سلطانیه سنجانی بدایت مدعی عمومی
معاونلکی اینوز قضاسی بدایت محکمه سی جزا
دائره سی رئیس نشأت افندی به

اینوز قضاسی بدایت محکمه سی جزا دائره سی
ریاستی قالقاندن قضاسی بدایت محکمه سی جزا
دائره سی رئیس سابق خیرالدین افندی به

اماسیه سنجانی بدایت محکمه سی جزا دائره سی
ریاستی ایلبسان سنجانی بدایت محکمه سی جزا
دائره سی رئیس عارف حکمت بکه

بنغازی سنجانی تجارت محکمه سی ریاستی
در سعادت بدایت محکمه سی مدعی عمومی قلمی کتبه
سندن و مکتب حقوق شاهانه مأذونلرندن محمد جلال
افندی به

اسکچه قضاسی بدایت محکمه سی ریاستی مکتب
حقوق شاهانه مأذونلرندن توفیق افندی به

قاریوط بدایت محکمه سی ریاستی مکتب حقوق
شاهانه مأذونلرندن عاصم افندی به

معلقره قضاسی بدایت محکمه سی مدعی عمومی
معاونلکی آقوه قضاسی بدایت محکمه سی مدعی
عمومی معاونی عزیز افندی به

آقوه قضاسی بدایت محکمه سی مدعی عمومی
معاونلکی مکتب حقوق شاهانه مأذونلرندن حسن
فهمی افندی به تفویض بیورلش و مومی الیهمدن
مخلف اولیان محمد جلال، توفیق، عاصم و حسن فهمی
افندیلرک علی الاصول امر تحلیف لری اجرا قلمشدر.

اوله ویریلان عزیمت اجرتی بکونه برمثانک ضمیله اکتفا قلمق لازم که چکی کبی صور محرره دائره سنده آلتان اجرت مباشریه نیک بالاخره مدیونلردن استیفاسی امرنده دخی مقدار عمومیسنک عدد اشخاصه متساویاً توزیع وتقسیمی قاعده عدالتکاریسنه رعایت ایدلک اقتضا ایدمکنندن احوال ماثله ده بوججهل اتحاد معامله ایدلسنک جواباً مفتشلهک تلبانی ومحاسبه ده معلومات اعطاسی بیان وافاده قلمشدر .

محاکمات مقدماتی

روپجوز قضاسی بدایت محکمه سی مدعی عمومی معاون سابق واصف افندینک اوراق انفصالیه وومدافعه نامه سی انجمن انتخاب مأمورین عدلیه جه لدی التدقیق جواز استفاده قرار ویرلمشدر .

محکمه تمیز استدعا دائره سندن تنظیم واعطا قلمان اعلامدر :

سیروز سنجای بدایت محکمه سی جزا دائره سندن استینافاً لاحق اولوب ۱۱ کانون اول سنه ۳۲۲ تاریخنده تفهیم قلمان قراری حاوی ۱ کانون ثانی سنه ۳۲۲ تاریخی والتیوز یکریمی بش عدلی اعلامک تمیزاً تدقیقی مستدعی محکمه مذکوره مدعی عمومی معاونلکی جانبسندن معطی ۱۴ کانون اول سنه ۳۲۲ تاریخی استدعای نامه واوراق متفرعه سی باش مدعی عمومیلک مأموریت بهیسنک ۲۶ مایس سنه ۳۲۳ تاریخی تبلیغنامه سیله محکمه تمیز استدعا دائره سنده تودیع اولمش ولدی التدقیق استدعا نامه مذکور مدت قانونیه سنده موافق کورنمش اولغله بالقبول تدقیقات تمیزیه اجراسنه ابتدار قلندی .

اعلام مذکورک خلاصه مالی یکدیگری سب وشم وضرب وجرح ایتملرندن طولانی مظنون علیهما اولان تیمور حصار تحصیلات مفتشی احمد و سر تحصیلدار ابراهیم ادهم افندیلر حقه ده اجرا قلمان محاکمه نتیجه سنده طرفین پینده اوله موجود اولان خصومت سائقه سیله یکدیگری سب وشم وضرب ایستدکری ومظنونلردن ادهم افندیده اثر جرح حاصل اولدینی کندولرینک اقرار صریح ومؤلرلی ومع القسم استماع اولنان شهودک اخباراتی وطیب راپوری مندرجاتیله ثابت اولدینندن سب وشمک اسباب مشده ددن عدلیه حرکتلرینه توافقی ایدن جزا قانوننامه هایوننک یوزیمش طقوزنجی ماده سی حکمه توفیقاً مومی الهمادن احمد افندینک اون بش کون

وابراهیم ادهم افندینک برهفته مدته حبسلرینه دائر لاحق اولان حکم ابتدائی علیهنده مومی الیها طرفلرندن وقوعولان استیناف دعوی اوزرینه جریان ایدن محاکمه وتدقیقات استینافیه نتیجه سنده اعلام ابتدائی مذکور علیهنه درمیان ایدیلان اعتراضاتک ردیه اصول وقانونه موافق اولدینی اکلاشیلان اعلام مذکورک تصدیقه قرار ویرلدیکندن عبارت بولنشد .

لایحه تمیزیه ده دخی بدایت محکمه سنده مشکی صفتیه دعوت ایدیلان تحصیلدار ادهم افندینک ده مظنونیتی اکلاشلمسی اوزرینه بوباده مدعی عمومی معاونلکنک مطالعه سی آلهرق مظنون صفتیه استخوانی حقه ده اول امرده برقرار اتحاد اولقمیزین ختام محاکمه نیک تفهیمیه محکومتی یوانه کیدلسی موجب فسخ اولدینی حاله ذکر اولنان اعلامک فسخی حقه ده کی طلبک محکمه مزبورجه غیر وارد اولدینی بیانیله اعلام ابتدائینک تصدیقه قرار ویرلسی مخالف قانون ایدوکنندن بخاله اعلام استینافینک نقضی استدعا ایدلشد .

تبلیغنامه ده دخی لایحه تمیزیه ده درمیان اولنان اعتراضاتک بحاکم کورلسنه مبنی سالف الذکر اعلامک نقضی طلب اولنشد .

ایجابی لدی المذاکره محکمه بدایتجه مشکی صفتیه جلب ایدیلان مومی الیه ابراهیم ادهم افندینک دخی مظنونیتی اکلاشلمسی اوزرینه مدعی عمومینک بوباده کی مطالعه سی آلدقندن صکره مظنون صفتیه استجواب اولنقی لازم کلور ایکن بوجهته رعایت ایدلماش اولسندن طولانی محکمه استینافیه جه اعلام ابتدائی مزبورک جهت مذکورده دن طولانی فسخیه تحقیقات لازمه بالاجرا تین ایده جیک حاله کوره قرار ویرلک لازم کلور ایکن تصدیقه قرار ویرلسی بولسر واصل وقانونه مغایر کورنمش ولایحه تمیزیه ده بوجهته دائر سرد اولنان اعتراضات نقض حکمی مستلزم اسباب قانونیه دن بولنمش اولسنه مبنی اصول محاکمات جزائییه قانوننک اوچیوز اون دردنجی و اوچیوز اون طقوزنجی ماده لری احکامنه توفیقاً اعلام استینافی مزبورک نقضه ۲۱ حزیران سنه ۳۲۳ تاریخنده متفقاً قرار ویرلدی .

۶۰۱ نومرو لی نسخه ده مندرج در سعادت

جنایت محکمه سی اعلامنک مابعدی :

سنه مرقومه حزرانک یدنجی بخشبه کونی متهم معروف علی الاصول توقیفخانه دن کتوردیلرک وکیل

مدافع حدی افندی واستیناف مدعی عمومی معاونلرندن عزتلو بهجت بک حاضر اولدینی حاله جلبنامه تبلیغ اولنان مشکیه کلامش وآنک عدم ورودی حقوق عمومیه دعواسی تأخیره سبب اوله جق مواددن کوریه ماش اولدینندن معاون مومی الیه ک مطالعه سی موجب مزبورده غایبنده محاکمه علیه ووجهیه ده مداومت وهیئجه قیماً تبدل وقوعنه مبنی ضبط سابق لدی القراءه تحت مندرجاتک طرفیندن تصدیقه مبادرت قلندی .

کچن محاکمه کلامسی اجلدن یکیدن جلبنامه تسطریله جلبنه قرار ویرلش وبورک ورود امتش اولان حقوق عمومیه شهودندن ایوده جامع کیر جوارنده برخانه ده اقامته زیتون برونی قاریقه هایونی صیان بلوکنده مقید بولندینی سویلیان اون یدی یاشنده آستانلی مصطفی افندی ابن محمد حضور محکمه ده چقاریله رق لدی السؤال طرفینه قرابت ومناسبت وخصومتی اولدینی سوبلکه قانونک تعریقی وجهله امر تخلفی بعدالاجرا استماع اولندقدنه کیجه این رفقاسندن حسن وبحری نام کسنه لره برلکده کزده رک بلاطه قدر کیدوب ساعت اوچ یقی راده لرده عودتله ایوبه کلکده لر ایکن آیوانسرایده حضور محکمه ده کی متهم کیر حال اولدینی حاله کیکنده وایلکز اوله رق کورری طرفنه طوغری کیتمکده اولدینی کورمش ایسه لرده قونوشمدق لری وایوبه مواصلرلرند خالک مجروح اولدینی ایستملرله رفقا سیله برابر مجروحک خانه سنده کیدوب جاری صور دقلرند معروفک جرح ایلدیکنی سویلدیکنی ویاژه سی صول بوکرند اولدینی ومأمورین کلرک سیده ایله مجروحی موسوی خسته خانه سنده کتوردک لری افاده مضبوطه استنطاقیه سنده موافق صورته افاده ایلدی . لدی السؤال متهم معروف بن اوردم قلی قبول ایتم سوزنده اصرار ایلدی .

طرفینک توسیع تحقیقاته متعلق بشقه مطالبی اولدینی لدی السؤال اکلاشلمغله تحقیقاتنک تکامل ایلدیکی اکلاسدقده معاون مومی الیه متهم معروفک خالدی بالمنازعه تهوراً جرح وقتل ایلدیکی مقتولک قبل الوفاة جارحک معروف اولدینی سوبلی ومتهمک دردستی عقینده ایراد اولنان اسله یه ده اولمدینی دیو سویلدک لرنک اخبار اولنسی ومتهمک قتل جوارنده طولاشدینک تین ایتمی خصوصاتی وطیب راپوری مندرجاتی دلالاتی ایله ثابت اولدینندن بخاله مجرمیته قرار ویرلسنی طلب وادای ایلدی .

وکیل مدافع حدی افندی مقتولک قبل الوفاة بعض کسنه به جارحک اشکالی تعریف وبعض اشخاصه

دخی قاعلک موکلی معروف اولدینی ایراد اولنسان سؤالره جواباً سوزینه تردیف ایلدیکی اخبار اولنوب حالبوکه تعریف اشکال خصوصنده موکنک سیاستک اشبونعریقاته عدم مطابقتندن وفاعلنک موکلی اولدینی یولنده کی افاده دخی مقتولک قوه مفکره سنک غائب اولدینی برزمانده والدسنک تلقیناتندن ویاخود مقتولک موکله اولان خصومت سابقه سی سائقه سندن ناشی اسنادمام یکن قیلندن اولدینی تین ایلکده ومقتولک هوکنندن ده جملی بولندینی جهته منازعه اثناسنده بوغوشملری بدیی اولوب شو حاله موکنده قتلک اماراتندن اولان دم کلرینک ومنازعه یی کوستره جیک طیرمق یاره لرینک موجود اولسی لازم کله جکی ومقتولک زنده سلاح بولسدرمی کیفیتی دخی خصیاسنک زیاده اولدینغه دلالت ایتدیکی جهته قتلک شخص آخر طرفندن ایقاع اولدینی میدانه قویمقده اولسنه بناءً موکنک برائتیه وبالغرض قاتلک موکلی اولدینی ظاهر اولسه بیله مقتولده یحیاق قینک بولنسی زنده سلاح طاشیدینغه دال وموکنک اغفالیه اوچ ماه حبس جزاسیله مجازات اولندینک معلوم اولسی جهته شوال مقتولک موکنده خصومت کوسترمکده ایدوکنه براعت استهلال اولسندن وبوسیله مقتول خالک حال حیاتنده موکنک حیاته قارشو دائماً سوء قصد فکری ایما ایتدیکی صورت افادتندن اکلا شلمسندن قتلک مدافعه ویاخود تحریکاتک مقتول طرفندن وقوعه نظراً مقابله وقوعی درکار بولندینی جهته موکنک مظهر عدالت اولسنی طلب واستدعا ومتهم معروف دخی بشقه دیه جکی اولدینی انرا ایتملرله محاکمه نیک ختام بولدینی اکلاسدیلرک مذاکره اوطنه سنده کیدلدی .

(بقیه سی کهلک نسخه یه)

علینک پناویطی ضرب ایلدیکی ثابت اوله مدینندن برائتیه

محی الدینک مقبولیه تشهر سلاحله برابر خبری یی ضرب ایلدیکی تین ایده مدینکندن برائتیه موسانک عباده وحسینی جرح ایتدیکی ثابت اوله مدینندن برائتیه

ابراهیم الیه یانینک مضاربیه ایتدکری ثابت اوله مدینندن برائتیلرینه

اسپرونک بلدی چاوشی عثمان افندی به حقارت ایتدیکی ثابت اوله مدینندن برائتیه

بغوصک ماریام قادینی ضرب ایتدیکی ثابت اوله مدینندن برائتیه

قومیسر حسن افندی به حقارت ومومی الیه

جرح ایتدیکی ادعا اولنان یوسفک اشبو افعاله مجاسرتی ثابت اوله مدینندن برائتیه

پنه خاتمک حامده خاتمه ناموسه طوقور سوز سویلدیکی تین ایتکه مزبورده پنه خاتمدن یارم آلتون جزای نقدی آلمسنه

جیل ومصطفای ضرب ایلدیکی ثابت اولان احسانک سابقه سی بولنقی حبسیله برآی حبسنه

یکدیگری ضرب ایلدکری تین ایدن یری پاشاده ساکن آورامک برهفته وایلیانک دخی اون کون مدته حبسلرینه

ویرونک خانه سی جاملرینی قیردینی تین ایدن یکیشمهرده ساکن صفرک بش کون حبسیله برابر اتی بشلک جزای نقدی استیفاسنه

بوزا خانه ده مقیم آرام ایله دقیرانک یکدیگری ضرب ایلدکری تین ایتدیکندن برهفته حبسلرینه قاسم پاشاده ساکن پترو قلفه نیک آلساوی و زوجیه سی اودوقسیانک دخی آنیقینی ضرب ایلدکری ثابت اولدینندن هرایکیسندن برآلتون آلهرق مشکیه لره اعطاسنه

خلاف تنبیهات حرکتنده بولندینی تین ایدن بویاجی کوپلی خرملودن بش بشلک جزای نقدی آلمسنه

هاریقلیایه ناموسه طوقور سوز سویلدیکی تین ایدن یکی کوبده ساکنه التیدن برآلتون جزای نقدی آلمسنه

صاوییه ضرب ایدن خصکوبده ساکن اساقندن ایکی آلتون آلهرق مضروب اعطاسنه

یکدیگری ضرب ایدن یکیشمهرده ساکن بغوصک اون کون و آرتینک برهفته حبسلرینه

پنه خاتمه اطاله لسانله برابر مزبورده ضرب ایلدیکی شهادتله تین ایدن قاسم پاشاده ساکن حسنک بریق ماه حبسیله برابر برآلتون آلهرق پنه خاتمه اعطاسنه

مارغیه ضرب و جرح ایدن قله قپوسنده ساکن پناویطک اون بش کون حبسنه

فریدیه ده ساکن آرشاقک فدقلیده ساکن عثمانی ضرب ایلدیکی شهادتله ثابت اولدینندن مرقوم آرشاقندن برآلتون آلهرق عثمانه اعطاسنه

اساعلی ضرب ایتدیکی ثابت اولان یانیندن برآلتون آلتوب مضروب ویرلسنه

محله آره سنده سلاح آندینی ثابت اولان درویشک یکرمی درت ساعت حبسنه ومرقومدن بش بشلک جزای نقدی آلمسنه

استراتی وپنده لینک زوزفک ساعتی سرق

ایلدکری ثابت اولغله بونلرک اوچر ماه حبسلرینه وختام مدت جزائیله رنده ضابطه جه کفالتیه ربطه

قسطی ونیقولنیک یکدیگری ضرب و جرح ایتدکری ثابت اولدینندن برهفته حبسلرینه

پولیس کنعان افندینک یعقوبی اجرای وظیفه سالنده ضرب ایتدیکی وعلینک خلاف نظام سلاح طاشیدینی ثابت اولدینندن کنعان افندینک اون کون حبسنه وعلیدن بش بشلک جزای نقدی آلمسنه

بحربنک ضیای ضرب ایتدیکی ثابت اولدینندن برهفته حبسنه

حسنک ذکیه ضرب و جرح ایتدیکی ثابت اولدینندن اون بش کون حبسنه

یروانتک آتزلک اچقه سی سرق ایلدیکی ثابت اولدینندن اوچ ماه حبسنه وختام مدت جزائیله رنده ضابطه جه کفالتیه ربطه

شکرینک احمدی جرح ایتدیکی ثابت اولدینندن برهفته حبسنه

حوا خاتمک ناجیه خانی ضرب ایتدیکی ثابت اولدینندن اون کون حبسنه

ایساقک طالبی جرح ایتدیکی ثابت اولدینندن برهفته حبسنه

لامبونک خلیلی جرح ایتدیکی ثابت اولدینندن بریق لیلا آلتوب مجروح ویرلسنه

عرب محمدک دیگر محمدی ضرب و جرح ایتدیکی ثابت اولدینندن برهفته حبسنه

نسیمک حسینی ضرب ایتدیکی ثابت اولدینندن برهفته حبسنه

حاجی احمد وعثمان واحمد ورفیقک یکدیگری ضرب ایتدکری ثابت اولدینندن برهفته حبسلرینه طاهره ناموسه طوقور سوز سویلدیکی تین ایدن چشمه میداننده ساکن آراهجی صادقندن برآلتون جزای نقدی آلمسنه

حسینی ضرب ایلدیکی شهادتله تین ایدن طاشجی پناویطدن برآلتون آلهرق مضروب اعطاسنه

خانی ضرب ایدن عزت افادندن برآلتون آلهرق مرقوم خایه اعطاسنه

افسالییه تشهر سلاح ایدن لامبونک یکرمی کون حبسنه

ایفای وظیفه حالنده بولنسان پولیس قومیسری توفیق افندی تحقیر ایلدیکی تین ایدن لوجیقه دن بریق آلتون جزای نقدی آلمسنه

قسطی یی ضرب و جرح ایدن قره اوغلان زقاغنده ساکنه ربندان ایکی آلتون آلهرق قسطیه اعطاسنه

پوليس قوميسرى محمد افندى به تحقير آميز
معامله ده بولنان انكلتره دولتى تبعه سندن ادواردن
بريق آتون جزاى نقدى آلمسنة
قسطى يى ضرب و جرح ايدن غلطه ده ساكن
زيسونك برهفته حبسيله برابر مرقومدن بر آتون
آلهرق مضروب مرقومه اعطاسنه
طاقوهى يى ضرب ايلديكى شهادتله تين ايدن
ستراقدن بر آتون آلهرق مضروبه به اعطاسنه
ايفاي مأموريت حالنده بولندينى صروده لوجيقه به
سوء معامله ده بولنان قوميسر توفيق افنديك اون
كون حبسنة
مارى يى تصور وتصميمه ضرب و جرح ايدن
خايقونك درت آى حبسيله برابر كندوسندن ايكي
آتون آلهرق مجروحه اعطاسنه
يدنده قحاق توتون يولندينى ثابت اولان تحسندن
يوز التمش غروش جزاى نقدى آلمسنة
اغيانك خانه سنى جاملر يى طاش آتمق صورتيله
قيردينى تين ايدن الما طاغنده ساكن قره كينك ايكي
كون حبسيله برابر مرقومدن التى بشلك جزاى نقدى
اخدينه ويكرمى غروش جام بدلنك بشقه جه بالتحصيل
مدعى به اعطاسنه بك اوغلى بدايت محكمه سى جزا
دائرة سنجه قرار ويرلشدر .

مُعَامَلَاتُ اِنْتِبَاهِيَّة

ميخالي ججق قضاسى نائى و بدايت محكمه سى
رئيسى صائب افنديك خلاف قانون معاملات ايله
وظيفة مأموريتى سوء استعمال ايلديكى آنقره وقونه
ولايتلى عدليه مفتشلكندن وارد اولان اوراق
تحقيقه محتوياتندن مستبان اولسنة مبنى رئيس
مومى اليك محاكمه آله آلمسنة عدليه نظارت
جليله سنجه ماذونيت و يريلهرك محله تبليغات مقتضيه
اجرا و طرف على مشيختپناهي به ده معلومات اعطا
ايدلشدر .

اِخْلَانَات

در سعادت منابت محكمه مننده :

اوچيوز يكرمى اوچ سنه سى مارتك يكرمى
دردنجى كيجه سى ساعت درت بيق راده لرنده
بك اوغلنده تقسيم جاده سنده اون بش نومرولى دكانده
ميخانه جيلك ايدن نيقولى يى بالنازعه جرح و قتل
ايتديكى ادعاسيله متهم اولوب تقسيمده كائن طلوبه

قغوشنده اقامتله آينه لى چشمه ده حاملق ايتكمده ايكن
فرار ايدن اورته بويلى ، وطولغون وجودلى ،
واسمر بگزلى ، وقره بيقلى ، ومطروش چكلى واوك
ديشلىرى قيريق اولوب آچيق رنك وچيز كيلي
طلوبه جى يلك وپانطالونى اكتسا ايتكمده بولنان
تخمينا قرق بش ياشلرنده جنكو در دست ايديله مامش
اولديغندن تاريخدن اعتباراً جانب رياستدن كندوسنه
مجدداً اون ككون مهل اعطا قلمشدر مهل
معين ظرفنده مرقوم محكمه به كلدكي حالده قانونه
اطاعت ايتامش نظريه باقيلهرق حقوق مدنيه دن
اسقاط قلمه جنى وعلينده دعوايه قيام اولنه جنى
ومحكمة غيايه سى ائاده اموالك جز آله آله جنى
وبوصرده بركونه ادعايه حق اوله ميه جنى وبالجملة
ضابطه عدليه مأمورلرينك كندوسنى طومتغه وبولندينى
محلى بيلنرك خبر ويرمكه مجبور بولندقلى امرى
اعطا ومعاملات حيزيه حقتده دخی مدعى عموميلكه
تبليغات مقتضيه اجرا ايدلديكى جهته اصول محاكمات
جزائيه قانوننك اوچيوز يتش برنجى واوچيوز يتش
ايكنجى ماده لرندن استنباط اولنان احكامه توفيقاً
اشبو قرارنامه بالتتظيم اعلان اولنور .

نجات بحرية محكمه مننده

چارشوى كيرده قالمقيلر باشنده دكاننده ساكن
ايكن تجارت بحريه محكمه سندن افلاسنه حكم اولنش
اولان استبان صرافيان وقومپانيه سى خصوصات
افلاسيه سنك رؤيت وتسويه سى ضمننده دعوى
وكيللرندن عثمان طلعت بك اصالة سنديك تعيين
قلمش اولديغندن مفلس مرقوم ذمتنده آله جنى
اولانرك قانوننامه تجارتك ۱۹۹ و ۲۰۰ نجى ماده لرى
موجبجه تحقيق ديون ايچون تاريخ اعلاندن اعتباراً
يكرمى بركون ظرفنده سنداتى محكمه كاتبه تسليم
ايللى ومدت مذكوره ختامندن صكره اوچ كونده
يعنى ۳۲۳ سنه سى اغستوسنك يكرمى طقوزنجى
چهارشنبه اوتوزنجى پنجشنبه واولوك برنجى
جمعه ايرتسى كونلرى تجارت بحريه محكمه سنك مصالح
افلاسيه رؤيته مخصوص اوطه سنه كلهرك سنديك
افديلر مواجهه سنده آله جقلىرى اثبات وقيدوتصديق
ايتيرملرى ومدت مذكوره ده اثبات وجود ايدميه
آله جقلىر حقتده قانون مذكورك ۲۱۰ نجى ماده سنه
توفيقاً ايفاي معامله اولنه جنى اعلان اولنور .

محكمه تجارت اجراء دائرة مننده :

سورپيك قيونجيانك انكلتره دولتى تبعه سندن

مادام قاريوطى ايس ترى ذمتنده برنجى محكمه تجارت
اعلاميله محكوم به مطلوبى اولان مبالغ معلومه نك
تأمين استيفاسى ايچون مديونه مزبورده نك متصرفه
اولوب دايته مرقومه نامنه وفاء مفروغ ومرهون
بولنان وفروختى قرار آله آله نك غلطه ده كمرالى
جاده سنده سن بنوا كليساسى قارشوسنده كائن اللى
درت نومرو ايله مرقم درت قات اوزرينه مبنى التى
اوطه ايله مرمم مفروش بر حولى وبر صهرنجى وبر
مطبغ وبرقيو وآرقه جهته بر مقدار باغچه محلى ايله
محزن صورتنده استعمال اولنور تيور قولى كاركير
برباب اوطه يى حاوى وشهرى سكزيوز غروش ايجار
كتوير حدانتقالى توسيع قلمش برباب اخشاب
خانه بوندن اقدم موقع مزايده به قونيلهرق ليراي
عثمانى يوز غروش حسابيله يكرمى بشيك غروش
بدل ايله طالبى عهده سنده قلمش واشبو اغستوس
رومينك اون برندن اعتباراً اوتوز بر كونه يعنى
كله جك ايلول رومينك اون برنجى صالى كوني ساعت
اونه قدر يوزده بش ضم قبول اولنسى وذك اولنان
يوم وساعته صوك مزايده سى بالاجرا قرار قطعيسى
ويريلهرك طالبى عهده سنه كچورلسى مقرر بولنش
اولديغندن وآندن صكره هر نه ضم وقوعبولور ايسه
قبول اولنميه جغندن مذكور خانه به يوزده بش ضم ايله
طالب اولانرك وبوندن زياده معلومات آلمق ايتيلرك
مدت مذكوره ظرفنده بدل مزايده نك عشرينه
مساوى يى اقچه سيله برابر محكمه تجارت اجراء دائرة سنه
مراجعت ايتلرى ويوم ووقت مذكوره املاك مزبور
پيشكاهنده مأمورى مواجهه سنده حاضر بولنلرى
اعلان اولنور .

بصره تجارت محكمه مننده

بصره مركز تجارت محكمه سندن افلاسنه حكم
اولنش اولان تبعه دولت عليه دن بصره نك قطانه
محله سنده مقيم خرده فروش حقيلى الياهو بنطوبك
ذمتنده آله جغنى اثبات وياموقتاً قبول وقيد ايتيرمش
اولان آله جقلىرلك قانوننامه تجارتك ۲۱۱ نجى
وآنى ولى ايدن ماده سى موجبجه مفلس طرفندن
تكليف اولنه جق قوتقورداتونك مذاكره سى ايچون
۳۲۳ سنه سى تموزينك اوتنجى صالى كوني ساعت
ايكى راده لرنده محكمه مذكوره نك مصالح افلاسيه
رؤيته مخصوص اوطه سنه كبلرى اعلان اولنور .